



42

Broj: 12-11-15-730/21

Sarajevo, 16. 3. 2021. godine

Na osnovu člana 70. Zakona o javnim nabavkama („Službeni glasnik BiH“, broj: 39/14) i preporuke Komisije za provođenje postupka nabavke, putem postupka – konkurentski zahtjev za dostavu ponuda za izbor najpovoljnijeg ponuđača za nabavku kompjuterskog materijala (tonera i kertridža) za potrebe Ureda za reviziju institucija u Federaciji Bosne i Hercegovine (obavještenje o nabavci broj: 296-7-1-6-3-7/21 objavljeno na Portalu javnih nabavki 27. 1. 2021. godine), date u Zapisniku broj: 12-11-15-91-16/21 od 15. 3. 2021. godine, generalni revizor, donosi

ODLUKU

o izboru najpovoljnijeg ponuđača

I

U postupku nabavke - konkurentski zahtjev za dostavu ponuda za izbor najpovoljnijeg ponuđača za nabavku kompjuterskog materijala (tonera i kertridža) za potrebe Ureda za reviziju institucija u Federaciji Bosne i Hercegovine za budžetsku 2021. godinu, Ugovorni organ donio je odluku o izboru najpovoljnijeg ponuđača za lot 1 – toneri za kolor štampač HP LaserJet CP4525, lot 2 – toneri za kolor štampač HP LaserJet ENT M651dn, lot 3 – toneri za kolor štampač HP LaserJet M653dn, lot 4 – toneri za kolor štampač HP LaserJet M552dn, lot 5 – kertridži za kolor štampač HP WidePage Pro 477dw, lot 6 – toneri/kertridži za monohromatske štampače, kopire i faksove, i to: Defter d.o.o. Sarajevo.

II

Zadužuje se Odjeljenje za pravne i opće poslove i ljudske resurse, da ovu Odluku dostavi ponuđačima – učesnicima u postupku u roku od 3 (tri) dana, a najkasnije u roku od 7 (sedam) dana od dana donošenja ove Odluke, elektronskom poštom, preporučenom poštom ili neposredno.

III

Ova Odluka stupa na snagu danom potpisivanja.

Obrazloženje

Ured za reviziju institucija u Federaciji Bosne i Hercegovine (u daljem tekstu: Ugovorni organ) je u skladu sa odredbama Zakona o javnim nabavkama („Službeni glasnik BiH“, broj: 39/14) i Odlukom broj: 12-11-15-91/21 od 12. 1. 2021. godine, pokrenuo postupak nabavke putem postupka – konkurentski zahtjev za dostavu ponuda za izbor najpovoljnijeg ponuđača za nabavku kompjuterskog materijala (tonera i kertridža) za budžetsku 2021. godinu za potrebe Ureda za reviziju institucija u Federaciji Bosne i Hercegovine, i to:

lot 1 – toneri za kolor štampač HP LaserJet CP4525,
lot 2 – toneri za kolor štampač HP LaserJet ENT M651dn,
lot 3 – toneri za kolor štampač HP LaserJet M653dn,
lot 4 – toneri za kolor štampač HP LaserJet M552dn,
lot 5 – kertridži za kolor štampač HP WidePage Pro 477dw,
lot 6 – toneri/kertridži za monohromatske štampače, kopire i faksove

(Obavještenje o javnoj nabavci, broj: 296-7-1-6-3-7/21 objavljeno na Portalu javnih nabavki dana, 27. 1. 2021. godine).

Uvidom u dostavljeni Zapisnik Komisije o pregledu i ocjeni ponuda broj: 12-11-15-91-16/21 od 15. 3. 2021. godine utvrđeno je:

- U predmetnom postupku nabavke Ugovornom organu tri ponuđača su dostavila ponude za sve lotove.

Ponuda ponuđača Plan Plus d.o.o. Zenica za lot 3, lot 5 i lot 6 ne ispunjava sve zahtjeve tražene Tenderskom dokumentacijom, kako slijedi:

- lot 3 i lot 5 – nije dostavljena Tehnička/kataloška dokumentacija ni za jednu stavku iz Obrasca za cijenu ponude – Aneks I što nije u skladu sa zahtjevima Tenderske dokumentacije:

1) zahtjev iz tačke 5. pod f) kojom je traženo od ponuđača da dostavi: „Tehničku/katalošku dokumentaciju za sve ponuđene kertridže/tinte utvrđene u Tehničkoj specifikaciji – Aneks III ove Tenderske dokumentacije“

2) zahtjev iz tačke 1.2. Aneks III Tehnička specifikacija lot 3 –Toneri za kolor štampač HP LaserJet M653dn u kojoj je između ostaloga navedeno: „Ponuđač je obavezan dostaviti tehničku/katalošku dokumentaciju za sve tonere/kertridže/tinte iz Tehničke specifikacije- Aneks III – lot 3, tačka 1.1. „Specifikacija materijala za nabavku“ i

3) zahtjev iz tačke 1.2. Aneks III Tehnička specifikacija lot 5 – Kertridži za kolor štampač Hp WidePage Pro 477dw u kojoj je između ostaloga navedeno: „Ponuđač je obavezan dostaviti tehničku/katalošku dokumentaciju za sve tonere/kertridže/tinte iz Tehničke specifikacije- Aneks III – lot 5, tačka 1.1. „Specifikacija materijala za nabavku“.

- lot 6 – nije dostavljena Tehnička/kataloška dokumentacija za stavke pod rednim brojem 7. i 8. iz Obrasca za cijenu ponude – Aneks I što nije u skladu sa zahtjevom Tenderske dokumentacije:

1) zahtjev iz tačke 5. pod f) kojom je traženo od ponuđača da dostavi: „Tehničku/katalošku dokumentaciju za sve ponuđene kertridže/tinte utvrđene u Tehničkoj specifikaciji – Aneks III ove Tenderske dokumentacije“ i

2) zahtjev iz tačke 1.2. Aneks III Tehnička specifikacija Lot 6 – Toneri/kertridži za monohromatske štampače, kopire i faksove u kojoj je između ostaloga navedeno: „Ponuđač je obavezan dostaviti tehničku/katalošku dokumentaciju za sve tonere/kertridže/tinte iz Tehničke specifikacije- Aneks III – lot 6, tačka 1.1. „Specifikacija materijala za nabavku“.

U skladu sa članom 68. st. 4 tačka i) - Ugovorni organ ponudu ponuđača Plan Plus d.o.o. za lot 3, lot 5 i lot 6 odbacuje jer ne ispunjava sve zahtjeve tražene tenderskom dokumentacijom.

Od ponuđača Plan plus d.o.o. za ponude za lot 1, lot 2 i lot 4 je u skladu sa članom 66. stav (1) Zakona o javnim nabavkama i članom 17. stav (7) Uputstva za pripremu modela tenderske dokumentacije i ponuda („Službeni glasnik BiH“ broj: 90/14, 20/15) zahtijevano obrazloženje neprirodno niske ponuđene cijene jer je u postupku pregleda i ocjene utvrđeno da je cijena ponuda za navedene lot-ove za više od 20 % niža od cijene drugorangirane prihvatljive ponude. Ponuđač Plan Plus d.o.o. Zenica nije dostavio obrazloženje neprirodno niske ponuđene cijene za lot 1, lot 2 i lot 4.

U skladu sa članom 66. stav (1) Zakona ponuda ponuđača Plan Plus d.o.o. Zenica za lot 1, lot 2 i lot 4 se odbacuje.

- Ponuda ponuđača Printex d.o.o. Sarajevo za lot 1, lot 2, lot 3, lot 4, lot 5 i lot 6 ne ispunjava sve zahtjeve tražene tenderskom dokumentacijom kako slijedi:

- U ponudi za lot 1, lot 2, lot 3, lot 4, lot 5 i lot 6 u Aneksu II Obrazac za ponudu čiji je sastavni dio i Nacrt ugovora, u članu 1. Nacrta ugovora mjesto predviđeno za upisivanje broja Tenderske dokumentacije nije popunjeno u skladu sa ovim zahtjevom s obzirom na to da ponuđač nije naznačio ispravan broj Tenderske dokumentacije predmetnog postupka nabavke. Tačkom 6.1. Tenderske dokumentacije zahtijevano je: „Ponuđači su dužni uz ponudu dostaviti Nacrt ugovora u koji su unijeli podatke na način da su popunili sva predviđena mjesta u Nacrtu, te isti potpisali.“ Broj Tenderske dokumentacije (koja je objavljena na Portalu javnih nabavki – Obavještenje br. 296-7-1-6-3-7/21) naznačen je na naslovnoj strani Tenderske dokumentacije.

- U ponudi za lot 1, lot 2, lot 3, lot 4, lot 5 za sve stavke iz Obrasca za cijenu ponude i ponudi za LOT 6 za stavke 1, 2, 3, 4, 5, 6, 7. i 9. nije dostavljena Tehnička/kataloška dokumentacija u skladu sa zahtjevima iz tačke 1.2. Aneks III Tehnička specifikacija s obzirom na to da tehnička dokumentacija odnosno katalozi za ponuđene tonere proizvođača Retech u formi u kojoj je dostavljena, pojedinačno za svaki toner i to prijevod na jednom od službenih jezika u BiH nije vidljiva u istoj formi na linku web stranice proizvođača koju je naveo ponuđač u ponudi. Na linku web stranice proizvođača koju je u ponudama naveo ponuđač vidljiv je zbirni katalog-listing svih proizvoda-tonera na engleskom jeziku. Pored toga, u dostavljanoj kataloškoj nisu označene markerom zahtijevane karakteristike.

Tačkom 1.2. Aneks III Tehnička specifikacija za lot-ove 1, 2, 3, 4, 5 i 6 između ostaloga zahtijevano je: „...Dostavljena tehnička/kataloška dokumentacija za ponuđene tonere/kertridže/tinte **mora biti vidljiva na web stranici proizvođača** tonera/kertridža/tinte (dostaviti isprintane web stranice ili isprintan katalog vidljiv na web stranici proizvođača). Web stranice proizvođača služe kao dokaz da proizvođači tonera/kertridža/tinte, koji se navode u ponudi, zaista proizvode ponuđene tonere/kertridže/tinte, te da ponuđeni toneri/kertridži/tinte zadovoljavaju

tražene karakteristike. U kataloškoj dokumentaciji obavezno **označiti markerom zahtijevane karakteristike**: kompatibilnost sa uređajem za koji se nabavlja toner/kertridž/tinta i kapacitet toner/kertridža/tinte, te napisati redni broj toner/kertridža/tinte - stavke iz prve kolone iz tabele u Tehničkoj specifikaciji – Aneks III tačka 1.1. „Specifikacija materijala za nabavku“.

U ponudi za lot 6 za stavku 8. u dostavljenoj tehničkoj/kataloškoj dokumentaciji nisu označene markerom zahtijevane karakteristike što nije u skladu sa zahtjevom iz tačke 1.2. Aneks III Tehnička specifikacija kojom je između ostaloga zahtijevano: „...U kataloškoj dokumentaciji obavezno **označiti markerom zahtijevane karakteristike**: kompatibilnost sa uređajem za koji se nabavlja toner/kertridž/tinta i kapacitet toner/kertridža/tinte, te napisati redni broj toner/kertridža/tinte - stavke iz prve kolone iz tabele u Tehničkoj specifikaciji – Aneks III LOT- 6, tačka 1.1. „Specifikacija materijala za nabavku“.

U skladu sa članom 68. st. 4 tačka i) - Ugovorni organ ponudu ponuđača Printex d.o.o. Sarajevo lot 1, lot 2, lot 3, lot4, lot 5 i lot 6 odbacuje jer ne ispunjava sve zahtjeve tražene tenderskom dokumentacijom.

- Ponuda ponuđača Defter d.o.o. Sarajevo za lot 1, lot 2, lot 3, lot 4, lot 5 i lot 6 ispunjava sve zahtjeve tražene Tenderskom dokumentacijom.

- e-akucija nije zakazana ni za jedan lot, s obzirom da je za sve lotove pristigla jedna prihvatljiva ponuda koju je dostavio ponuđač Defter d.o.o. Sarajevo, te se ugovor u skladu s članom 89. stav 3. Zakona o javnim nabavkama dodjeljuje ovom ponuđaču.

Postupak je provela Komisija imenovana Rješenjem generalnog revizora broj: 12-11-15-91-1/21 od 21. 1. 2021. godine, koja je o istom sačinila: Zapisnik o zaprimanju ponuda broj: 12-11-15-91-13/21 od 19. 2. 2021. godine, Zapisnik o otvaranju ponuda od 19. 2. 2021. godine, Analitički prikaz traženih i dostavljenih dokumenata – Kvalifikacija dobavljača broj: 12-11-15-91-14/21 od 25. 2. 2021. godine i Zapisnik o pregledu i ocjeni ponuda broj: 12-11-15-91-16/21 od 15. 3. 2021. godine.

U skladu sa članom 99. i članom 101. Zakona o javnim nabavkama protiv ove odluke može se uložiti žalba u roku od 5 (pet) dana od dana zaprimanja odluke.

Žalba se ulaže Ugovornom organu u pisanom obliku neposredno na protokolu ili preporučenom poštanskom pošiljkom.

Žalba se podnosi u dovoljnom broju primjeraka, a koji ne može biti manji od 3 (tri).

Na prijedlog Komisije Ugovorni organ je donio odluku kao u dispozitivu.

Dostaviti:

- Ponuđačima:
Defter d.o.o. Sarajevo
Printex d.o.o. Sarajevo
Plan Plus d.o.o. Zenica
- a/a.

